

四庫全書

集部

欽定四庫全書

集部
御選歷代詩餘卷三六

詳校官中書臣潘有為

侍讀臣孫球覆勘

總校官進士

臣

朱

鈴

校對官主事

臣

陳文樞

謄錄監生

臣

李元儒

欽定四庫全書

御選歷代詩餘卷三十八目錄

六十
字

臨江仙 又一體

蘇軾

十二首

秦觀

晁補之

十一首

陳師道

李之儀

二首

賀鑄

毛滂

三首

杜安世

舒亶

趙令時

晁冲之

二首

滕宗諒

蘇庠

二首

葛勝仲

六首

周紫芝

二首

謝逸

廖行之

曹組

葉夢得

五首

陳與義

趙長卿

四首

張元幹

張掄

二首

辛棄疾

三首

呂勝已

劉克莊

三首

李石

王千秋

黃機

劉鎮

馬莊父

王炎

高觀國

史達祖

韓淉

三首

張炎

石孝友

三首

李清照 二首

劉鼎臣妻 二首

蘇氏

完顏璫

韓玉

段成已

元好問 三首

張弘範

劉因

詹正

蒲道源

張翥

三首

張埜

無名氏

劉基

吳子孝

楊慎

吳洪

張紘

陳子龍

王鳳嫺

葉小鸞

前調

又一體

顧覓

御選歷代詩餘卷三十八目錄

欽定四庫全書

御選歷代詩餘卷三十八

六十一
字

司經局洗馬掌局事兼翰林院修撰加二級臣王奕清奉

旨校刊

臨江仙

又一體雙
調六十字

臨江仙

黃岡贈
龍丘子

蘇軾

細馬遠馱雙侍女青巾玉帶紅鞢溪山好處便為家誰

知巴峽路却見洛陽花
面旋落英飛玉蕊人間春日
初斜十年不見紫雲車
龍丘新洞府鉛鼎養丹砂

前調

蘇軾

詩句端來磨我鈍
鈍錐不解生銍
歡顏為我解冰霜
酒闌清夢覺春草滿池塘
應念雪堂坡下老
昔年共采芸香功名成
遂早還鄉回車來過我
喬木擁千章

前調

離杭至潤
別張秉道

蘇軾

我勸髯張歸去好
從來已自忘情塵
心消盡道心平江

南與塞北何處不堪行
俎豆庠序真過矣憑君說與
南榮願聞吳越報豐登君王如有問結襪賴王生

前調

送王
絨

蘇軾

忘却成都來十載因君未免思量憑將清淚灑江陽故
山知好在孤客自悲涼
座上別愁君未見歸來欲斷
無腸殷勤且更盡離觴此身如傳舍何處是吾鄉

前調

夜到
揚州

蘇軾

尊酒何人懷李白草堂遥指江東珠簾十里捲香風花

開花又謝離恨幾千重
輕舸渡江連夜到一時驚笑
衰容語音猶自帶吳儂
夜闌相對處依舊夢魂中

前調

蘇軾

九十日春都過了貪忙何處追遊
三分春色一分愁雨
翻榆莢陣風轉柳花球
閨苑先生須自責蟠桃動是
千秋不知人世苦厭求東皇不拘束肯為使君留

前調

風水
洞作

蘇軾

四大從來都徧滿此間風水何疑
故應為我發新詩幽

花香澗谷寒藻舞淪漪
借與玉川生兩液天仙未必
相思還憑流水送人歸
層巔餘落日草露已沾衣

前調

蘇軾

一別都門三改火天涯踏盡紅塵依然一笑作春溫無
波真古井有節是秋筠
惆悵孤帆連夜發送行澹月
微雲尊前不用翠眉顰
人生如逆旅我亦是行人

前調

登望湖樓

蘇軾

多病休文都瘦損不堪金帶垂腰望湖樓上暗香飄和

風春弄笛明月夜聞簫
酒醒夢回清漏永殷牀無限
更潮佳人不見董嬌嬈徘徊花上月空度可憐宵

前調

蘇軾

夜飲東坡醒復醉歸來髣髴三更家僮鼻息已雷鳴敲
門都不應倚杖聽江聲
長恨此身非我有何曾忘却
營營夜闌風靜縠紋平小舟從此逝江海寄餘生

前調

贈王友道

蘇軾

誰道東陽都瘦損凝然點漆精神瑤林終自隔風塵試

看披鶴氅仍是謫仙人
省可清言揮玉麈直須保器
全真風流何似道家純不應同蜀客惟愛卓文君

前調

蘇軾

冬夜夜寒冰合井畫堂明月侵幃青釭明滅照悲啼燈
花挑欲盡粉淚浥還垂未盡一尊先掩淚歌聲半帶
清悲情聲兩盡莫相違欲知腸斷處梁上暗塵飛

前調

秦觀

千里瀟湘接藍浦蘭橈昔日曾經月高風定露華清微

波澄不動冷浸一天星
獨倚危樓情悄悄遙聞妃瑟
泠泠新聲含盡古今情曲終人不見江上數峰青

前調

晁補之

綠暗汀洲三月暮落花風靜帆收垂楊低映木蘭舟半
篙春水滑一段夕陽愁
灞水橋東回首處美人親上
簾鉤青鸞無計入紅樓行雲歸楚峽飛夢到揚州

前調

晁補之

盡說彭門新半刺昆吾刺玉如泥功名餘事不須為才

情詩裏見風味酒邊知
好在阿咸同老也青雲往歲
心期千鍾百首興來時伯倫從婦勸元亮信兒癡

前調

晁補之

十歲兒曹同硯席華居織翠如葱
一生心事醉吟中相逢俱白首無語對西風
莫道尊前情調減衰顏得酒
能紅可憐此會意無窮夜闌人總睡獨遶菊花叢

前調

南都留別

晁補之

曾唱牡丹留客飲明年何處相逢忽驚鵲起落梧桐綠

荷多少恨回首背西風
莫歎今宵身是客一尊未曉
猶同此身應似去來鴻
江湖春水闊歸夢故園中

前調

晁補之

常記河陽花縣裏恰如飯顆山逢春城何處滿絲桐綸
巾并羽扇君有古人風
重向梁王臺畔見黃花綠酒
誰同新詩別後寄南鴻
回頭思照碧人在白雲中

前調

信州作

晁補之

謫宦江城無屋買殘僧野寺相依松間藥臼竹間衣
水

窮行到處雲起坐看時
一箇幽禽綠底事苦來醉耳
邊啼月斜西院愈聲悲青山無限好猶道不如歸

前調

晁補之

身外閒愁空滿眼就中歡事常稀明年應賦送春詩試
從今夜數相會幾多時
淺酒欲邀誰共勸深情惟有
君知東溪春近好同歸柳垂江上影梅謝雪中枝

前調

晁補之

自古齊山重九勝登臨夢想依依偶來恰值菊花時難

逢開口笑須插滿頭歸 昨夜一江風色好平明秋浦
帆飛可憐如赴使君期且當酬令節不用歎斜暉

前調

晁補之

馬上匆匆聽鵲喜朦朧月淡黃昏碧羅雙扇曉光分鉛
華先辨臉朱色怎分脣 暫別寶匳蛛網徧春風浪污
榴裙香箋小字寄行雲纖腰非學楚寬帶為思君

前調

晁補之

離別尋常今白首更須竹雨蕭蕭不應都占世間豪清

風居士手楊柳洛城腰
文字功名真自誤從今好月

良宵只須憐取董嬌嬌修門君自到不用我詞招

前調

晁補之

君似蒼崖千仞竹一枝孤映蒿蕭簞瓢不減萬鍾豪閒
情搔短髮佳句詠纖腰
罷酒蘭舟回楚舵相思何處

今宵淮南幽桂水雲饒他年春草恨應有小山招

前調

送疊羅菊
與趙使君

陳師道

宮樣初黃過九日鮮妍時更宜寒挽回人意不成闌香

羅堆葉密芳意著心單
過與後房歌舞手輕盈喜色
生顏墮釵擁髻與垂鬟欲知誰稱面偏插一枝看

前調

李之儀

知有閨風花解語從來祇許傳聞光明休詠漢宮新擁
身疑有月襯步恨無雲
莫把金尊容易勸坐來幾度
銷魂不知仙骨在何人好將千歲日占斷四時春

前調

李之儀

九十日春都過了尋常偶到江皋水容山態兩相饒草

平天一色風暖燕雙高
酒病厭厭何計那飛紅更送
無聊鶯聲猶似耳邊嬌難回巫峽夢空恨武陵桃

前調

立春

賀鑄

巧翦合歡羅勝子釵頭春意翩翩豔歌淺笑拜嫣然願
郎宜此酒行樂駐華年
未老文園多病客幽襟悽斷
堪憐舊遊夢掛碧雲邊人歸落鴈後思發在花前

前調

毛滂

古寺長廊清夜美風松煙檜蕭然石闌干外上疎簾過

雲閒窈窕斜月靜嬋娟
獨自徘徊無箇事瑤琴試奏
流泉曲終誰見枕琴眠香箋蚪尾細燈爐玉蟲偏

前調

毛滂

莫恨那回容易別不妨久遠情腸為人留下舊風光花
枝常自好馥馥十年香便是舊時簾外月却來小檻
低牕朦朧影裏淡梳妝相看如夢寐回首怎思量

前調

都城元夕

毛滂

聞道長安燈夜好雕輪寶馬如雲蓬萊清淺對觚稜玉

皇開碧落銀界失黃昏
誰見江南顙顙客端憂嬾步
芳塵小屏風畔冷香凝酒濃春入夢牕破月尋人

前調

杜安世

徧地殘花庭院靜流鶯對對相過萬條風柳間婆娑櫻
桃初弄色萱草自成窠
早是芳菲時節晚追遊期會
無多看山歛翠近秋波日長初睡起愁與病相和

前調

送李
易初

舒亶

折柳門前鸚鵡綠河梁小駐歸船不堪華髮對離筵孤

邨啼鴂日深院落花天 文采弟兄真疊玉赤霄去路
誰先明朝便恐各風煙江山如有恨桃李自無言

前調

趙令時

枝上粉香吹欲盡依前庭院春風更誰同遶摘芳叢漏
殘金獸冷信斷錦屏空 看結燈花愁不睡酒闌無夢
相逢淒涼長判一生中不如雲外月永夜在房櫳

前調

晁冲之

憶昔西池池上飲年年多少歡娛別來不寄一行書尋

常相見了猶道不如初
安穩錦屏今夜夢月明好渡
江湖相思休問定何如
情知春去後管得落花無

前調

晁冲之

雙舸亭亭橫晚渚
城中飛觀嵯峨畫
橋燈火照清波
玉鉤平浸水金鎖
半沉河
試問無情堤上柳
也應厭聽
驪歌
人生無柰別離何
夜長嫌夢短
淚少恨愁多

前調

巴陵

滕宗諒

湖水連天天連水
秋來分外澄清
君山自是小蓬瀛
氣

蒸雲夢澤波撼岳陽城 帝子有靈能鼓瑟淒然依舊
傷情微聞蘭芷動芳馨曲終人不見江上數峰青

前調

荷花

蘇庠

獵獵風蒲初暑過蕭然庭戶秋清野航渡口帶煙橫晚
山千萬點別鶴兩三聲 秋水芙蓉聊蕩槳一尊同破
愁城蓼花灘上白鷗明暮雲連極浦急雨暗長汀

前調

贈張建康

蘇庠

本是白蘋洲畔客虎符卧鎮江城歸來猶得趁鷗盟柳

絲搖曉市杜若徧芳汀
莫惜飛觴仍墮幘柳邊依約
鶯聲水秋鱸熟正關情只愁宣室召未許釣船輕

前調

姜尉
託疾

葛勝仲

郊外黃埃端可厭歸來移病香閨象牀珍簟共委蛇耆
婆尋草盡天女散花遲
小雨作寒秋意晚簷聲與夢
相宜冷侵羅幌篆煙微試評書五朶何似畫雙眉

前調

上巳九曲
池流杯

葛勝仲

小樣洪河分九曲飛泉環繞粼粼青蓮往事已成塵羽

觴浮碧甃寶劍捧金人
綠綺且依流水調逢逢搗鼓
催巡玉堂詞客是嘉賓茂林脩竹地大勝永和春

前調

上巳海昌王氏園

葛勝仲

倦客身同舟不繫輕帆來訪儒仙春風上巳豔陽天天
桃方散錦高柳欲飛絲
千古海昌佳絕地雙鳬暫此
留連通宵娛客破芳筵蘭亭脩禊事梓澤醉名園

前調

章園賞瑞香

葛勝仲

二月風光濃似酒小樓新濕青紅碧琉璃色映羣峰更

攜金鑿落來賞錦熏籠
詞客舊留花月旦此葩清軟
纖穠未饒蘭蕙轉光風赤闌呈雅豔翠幙護芳叢

前調

葛勝仲

雪壁歌詞題尚濕春風又見輕紅一枝斜插映眉峰不
辭連夜賞銀燭透紗籠
白髮欺人今老矣尊前羞見
繁穠清香猶嫪虎溪風海棠須避席佳種謾蠶叢

前調

錦熏閣
賞花

葛勝仲

檻外奇葩江外種嬌春未減鞞紅畫樓晴日斂雲峰佛

香來海岬蜀錦薦燈籠
今夜那憂煞風景酒花來鬪
妖穠江梅冷澹避春風
明朝來縱賞應醉綺羅叢

前調

周紫芝

水遠山長何處去
欲行人似孤雲十分瘦
損沈休文忍將秋水鏡
容易與君分
試問梨花枝上雨
為誰彈滿清尊
一江風月黯離魂
平波催短棹小立送黃昏

前調

送曾光州

周紫芝

記得武陵相見日
六年往事堪驚
回頭雙鬢已星星
誰

知江上酒還與故人傾
鐵馬紅旗寒日暮使君猶寄
邊城只愁飛詔下青冥不應霜塞晚橫梁看詩成

前調

謝逸

玉樹臨風賓欲散黃昏鐵馬嘶庭幽歡未盡有餘清瓊
糜方一啜銀燭已雙檠坐久香津生齒頰何須五斗
消醒豔歌聲裏醉魂醒明年思此會旌旆想登瀛

前調

元宵

廖行之

春意忙忙春色裏又還幾度花期澹晴時候儘融怡梅

顚翻白後柳眼弄青時 正是江城天氣好樓臺燈火
星移相逢無處不相宜輕狂行樂去明月夜深歸

前調

曹組

青瑣牕深紅獸暖燈前共倒金尊數枝梅浸玉壺春雪
明渾似曉香意欲成雲 戶外馬嘶催客起席間歡意
留人從他微霰落紛紛不妨吹酒面歸去醒餘醺

前調

葉夢得

不見跳魚翻曲港湖邊特地經過蕭蕭疎雨亂風荷微

雲吹盡散明月墮平波
白酒一杯還徑醉歸來散髮
婆娑無人能唱採菱歌
小軒敲枕簟簷影挂星河

前調

葉夢得

自笑天涯無定準飄然到處遲留興闌却上五湖舟
鱸蓴新有味碧樹已驚秋
臺上微涼初過雨一尊聊記
同遊寄聲時為到滄洲
遙知敲枕處萬壑看交流

前調

南山臺成
與客看月

葉夢得

絕頂參差千嶂外不知空水相浮下
臨湖海見三洲落

霞橫暮景為客小遲留 卷盡微雲天更闊此行不負
清秋忽驚河漢近人流青霄元有路一笑倚瓊樓

前調

葉夢得

碧瓦新霜侵曉夢黃花已過清秋風帆何處挂扁舟故
人歸欲盡斜日更回頭 樂園橋邊煩借問有人高臥
江樓寄聲聊為訴離憂桂叢應已老何事久淹留

前調

席上
梅花

葉夢得

不與羣芳爭豔豔化工自許寒梅一枝臨晚照歌臺眼

來元落落此去亦悠悠
赤日黃塵三百里
嵩丘幾度登樓
故人多在玉溪頭
清泉明月曉高樹
亂蟬秋

前調

元好問

夏館秋林山水窟
家家林影湖光
三年閒為一官忙
簿書愁裏過
筍蕨夢中香
父老書來招我隱
臨流已蓋茅堂
白頭兄弟共論量
山田尋二頃
他日作桐鄉

前調

張弘範

千古武陵溪上路
桃源流水潺潺
可憐仙侶剩濃歡
黃

鷓鴣驚夢破青鳥喚春還
回首舊遊渾不見蒼煙一片
荒山玉人何處倚闌干
紫簫明月底翠袖暮雲寒

前調

劉因

行色匆匆緣底事
山陽梅信相催
梅花香底有新醅
南州今樂土得意且銜杯
君見太行憑寄語
雲間蒼壁崔嵬
平生遮眼厭黃埃
高樓吾有興無惜送青來

前調

詹正

白髮壯心還未減
春風夢遶揚州
青山隱隱水悠悠
征

帆從蕩漾行李亦風流
向日侍郎今右相
元龍豪氣橫秋月明千里鎮淮樓
依然青眼舊應不負依劉

前調 詠梅

蒲道源

聞說東庵梅最好何須遠訪西湖金衣相
映玉肌膚幽香俱可愛顏色不妨殊
花主惜春仍好事賞花清似林逋
冰蕤雪萼正敷腴只愁無客至那怕酒頻沽

前調 賦柳

張翥

搖蕩春光湖上路多情偏識倡條畫
船繫在赤闌橋花

飛人別處綠暗雨休朝
惱亂東風扶不起空憐燕婉
鶯嬌舞衣香冷董嬌嬌相思無限恨猶似舊宮腰

前調

張耒

羨殺漁家生處樂隔灣數點青燈蓑衣忘在石磯層蓼
花秋釀酒楓葉晚垂簷
時向瓦甌蓬底醉往來鷺侶
鷗朋老翁倚棹坐蓴鱸有魚吾欲買搔手不能應

前調

張耒

羨殺漁邨無畔岼茫茫楊柳蒹葭雨餘水漲沒汀沙鷺

間無此種來自廣寒宮
雕玉闌干深院靜
嫣然凝笑
西風曲屏須占一枝紅
且圖欹醉枕香到夢魂中

前調

探梅

辛棄疾

老去惜花心已嬾
愛梅猶遶江邨
一枝先破玉溪春
更無花態度全是雪精神
賸向青山餐秀色
為渠著句
清新竹根流水帶溪雲
醉中渾不覺歸路月黃昏

前調

辛棄疾

風雨催春寒食近
平原一片丹青
溪頭喚渡柳邊行
花

飛蝴蝶亂桑嫩野蠶生
綠野先生閒袖手却尋詩酒
功名未知明日定陰晴
今宵成獨醉却笑衆人醒

前調

簪花屢
墮戲作

辛棄疾

鼓子花開春爛漫荒園無限思量
今朝拄杖過西鄉急
呼桃葉渡為看牡丹忙
不管昨宵風雨橫依然紅紫
成行白頭陪奉少年場
一枝簪不住推道帽簷長

前調

呂勝已

忽憶裴公臺上去遠空秋氣稜稜
萬山一水秀還明此

時三楚客何意續騷經
愛竹子猷參杖履能詩侯喜
同登賡酬不盡古今情清風生白塵側月照疎星

前調

種海棠作

劉克莊

落魄長官江海客少年萬里尋春而今憔悴向溪濱斷
無觴詠興惟有簿書塵手插海棠三百本等閒妝點
芳辰他年絳雪映紅雲叮嚀風與月記取種花人

前調

潮惠道中

劉克莊

不見仙湖能幾日塵沙變盡形容夜來月冷露華濃都

忘卻屋下但記畫船中
兩岼綠陰猶未合更須補竹

添松最憐幾樹木芙蓉手栽纔數尺別後為誰紅

前調

已酉和實之燈夕

劉克莊

玉簫鈿車當日事東塗西抹都曾等閒曲子壓和凝縱
遊非草草已醉強惺惺
今向三家邨送老身如罷講
吳僧高樓百尺不須登半爐燒葉火一盞勘書燈

前調

李石

煙柳疎疎人悄悄畫樓風外吹笙倚闌聞喚小紅聲熏

香臨欲睡玉漏已三更 坐待不來來又去一方明月
中庭粉牆東畔小橋橫起來花影下扇子撲流螢

前調

王千秋

柳巷鶯啼春未曉畫堂環珮珊珊熏爐烘暖鷓鴣斑壽
杯須斗酌舞袖正弓彎 未說珥貂橫玉事勲名且勒
燕然歸來方卜五湖閒年年花月夜沉醉綺羅間

前調

黃機

上巳清明都過了客愁惟有心知子規昨夜忽催歸驛

程那復記魂夢已先飛
回首故園花與柳枝葉葉
相思歸來拚得典春衣
綠陰幽邃處不管盡情啼

前調

劉鎮

蕩紫飄紅芳信斷都無人問
穠纖吟鞭倚醉問涼蟾香
消金縷篆塵壓寶妝匳
夢峽朝雲飛不到一春離緒
厭厭却疑歸燕礙重簾
心期花底誤看眼柳邊添

前調

馬莊父

人意舒閒春事到徐徐
弄日微雲翠鬟飛繞鬧蛾羣煙

橫沽酒市風轉落梅邨
歲事一新人半舊相逢際晚
醺醺花間亭館柳間門
剋除風雨外排日醉紅裙

前調

王炎

鷓鴣一聲春事了不知
苦勸誰歸花梢香露染薔薇
小梅酸著齒酒榼正堪攜
鴨綠一篙新雨過遠山半出
脩眉仙翁理棹欲來時
遶簷烏鵲喜報與主人知

前調

高觀國

俱是洛陽年少客
才華迴出天真青衫慣拂軟紅塵
酒

狂因月舞詩俊為梅新 寄語長安風月道鶯花緩作
青春披風沐露問前津客中春不當歸去倍還人

前調

史達祖

愁與西風應有約年年同赴清秋舊遊簾幙記揚州一
燈人著夢雙鴈月當樓 羅帶鴛鴦塵暗澹更須整頓
風流天涯萬一見溫柔瘦應因此瘦羞亦為郎羞

前調

韓 流

脆管繁絃無覓處小樓空掩遙山柳絲直下曲闌干海

棠紅欲褪玉釧怯春衫
殢酒不成芳信斷社寒新燕
呢喃雕盤慵整寶香殘綺疏明薄暮簾外雨潺潺

前調

韓 流

羅帳畫屏新夢悄綠牕慵起香殘重簾生怕倚闌干春
風吹玉水春雪滿靈山
梁燕未來歸鴈動海棠纔帶
紅酣酒愁花恨霎時閒煙雲催薄暮絲雨濕輕寒

前調

韓 流

竹樹陰陰流澗水黃鸝飛去飛還蓬門籬落小橋灣更

無塵跡到我自愛其間 雨又隨風催薄暮輕雷時動
雲班歸來涼意一牕閒病餘真倦矣睡熟簾紋寬

前調

墨水
仙

張炎

剪剪春冰出萬壑和春帶出芳叢誰分弱水洗塵紅低
回金鑿落約略玉玲瓏 昨夜洞庭雲一片朗吟飛過
天風戲將瑤草散虛空靈根何處覓只在此山中

前調

石孝友

醉袖吟鞭竹色裏帽簷低處風斜晚山一半被雲遮殘

陽明遠水古木集棲鴉
暮去朝來緣底事不如早早
還家曲屏深幌小牕紗翠沾
耆上柳紅搵臉邊花

前調

石孝友

買笑當歌何處好小樓四面
江山玉梅枝上卸餘寒雨
隨春到急風向晚來顛
任自腰圍都瘦損肯教懽意
闌珊引杯相屬莫留殘花
和人競好人與月爭圓

前調

石孝友

枕上鶯聲初破睡悄寒輕透
簾幃起來惆悵有誰知雨

狂風轉急揉損好花枝
薄倖別來春又老等閒誤却
佳期斜陽影裏立多時遠山何事翠相對感脩晷

前調

宋媛
李清照

庭院深深深幾許雲牕霧閣春遲為誰憔悴瘦芳姿夜
來清夢好應是發南枝
玉瘦檀輕無限恨南樓羌管
休吹濃香開盡有誰知暖風遲日也別到杏花時

前調

李清照

庭院深深深幾許雲牕霧閣常扃柳梢梅萼漸分明春

歸秣陵樹人客建安城
感月吟風多少事如今老去
無成誰憐憔悴更凋零燈花空結蕊離別共傷情

前調

劉鼎臣妻

何處甘泉來席上嫩黃初瀉銀瓶月團嘗罷有餘清惠
山名品好歌舞暫留停
欲賞霍源新氣味不應兼進
猗苓此中端有澹交情相如方病酒一飲骨毛輕

前調

劉鼎臣妻

記得高堂同飲散一杯湯罷分攜絳紗籠影簇行旗更

殘銀漏急天澹玉繩低
只恐曲終人不見歌聲且為
遲遲如今車馬各東西畫堂攜手處疑夢又疑非

前調

立春寄
李順妹

宋媛
蘇氏

一夜東風穿繡戶融融暖應佳時春來何處最相知平
明堤上柳染徧鬱金枝姊妹嬉遊時節近今朝應怨
來遲憑誰說與到家期玉釵頭上勝留待遠人歸

前調

完顏壽

倦客更遭塵事冗故尋閒地婆婆一尊芳草一聲歌盧

郎心未老潘令鬢先皤 醉向繁臺臺上問滿川細柳
新荷薰風樓閣夕陽多倚闌凝思久漁笛起煙波

前調

梅花

韓玉

月是銀缸溪是鏡雲霓與作衣裳夜寒獨立竹籬傍妝
成那待粉笑罷自生香 自古佳人多薄命枉教傲雪
凌霜從來林下異閨房何須三弄笛方斷九迴腸

前調

段成已

走徧人間無一事十年歸夢悠悠行藏休更倚危樓亂

山明月曉滄海冷雲秋
詩酒功名殊不惡箇中未減
風流西風吹散兩眉愁一聲長嘯罷煙雨暗汀洲

前調

元好問

昨夜半山亭下醉窪尊今日留題放船直到浙江西玉
壺天上下雲錦樹高低
世上紅塵爭白日山中太古
熙熙外人初到故應迷桃花三百里渾是武陵溪

前調

元好問

自笑此身無定在北州又復南州買田何日遂歸休向

來元落落此去亦悠悠
赤日黃塵三百里
嵩丘幾度登樓
故人多在玉溪頭
清泉明月曉高樹
亂蟬秋

前調

元好問

夏館秋林山水窟
家家林影湖光
三年閒為一官忙
簿書愁裏過
筍蕨夢中香
父老書來招我
隱臨流已蓋茅堂
白頭兄弟共論量
山田尋二頃
他日作桐鄉

前調

張弘範

千古武陵溪上路
桃源流水潺潺
可憐仙侶剩濃歡
黃

鷓鴣驚夢破青鳥喚春還
回首舊遊渾不見蒼煙一片

荒山玉人何處倚闌干
紫簫明月底翠袖暮雲寒

前調

劉因

行色匆匆緣底事
山陽梅信相催
梅花香底有新醅
南州今樂土得意且銜杯
君見太行憑寄語雲間蒼壁
崔嵬平生遮眼厭黃埃
高樓吾有興無惜送青來

前調

詹正

白髮壯心還未減
春風夢遶揚州
青山隱隱水悠悠
征

帆從蕩漾行李亦風流
向日侍郎今右相元龍豪氣
橫秋月明千里鎮淮樓依然青眼舊應不負依劉

前調

詠梅

蒲道源

聞說東庵梅最好何須遠訪西湖金衣相映玉肌膚幽
香俱可愛顏色不妨殊
花主惜春仍好事賞花清似
林逋冰蕤雪萼正敷腴只愁無客至那怕酒頻沽

前調

賦柳

張翥

搖蕩春光湖上路多情偏識倡條
畫船繫在赤闌橋花

飛人別處綠暗雨休朝
惱亂東風扶不起空憐燕婉
鶯嬌舞衣香冷董嬌嬌相思無限恨猶似舊宮腰

前調

張耒

羨殺漁家生處樂隔灣數點青燈蓑衣忘在石磯層蓼
花秋釀酒楓葉晚垂曾
時向瓦甌篷底醉往來鷺侶
鷗朋老翁倚棹坐蓴鱸有魚吾欲買揺手不能應

前調

張耒

羨殺漁邨無畔岼茫茫楊柳蒹葭雨餘水漲沒汀沙驚

鴻投別浦浴鳥坐沉槎
殘日籬頭閒曬網垂髻來買
魚蝦得錢沽酒徑歸家一聲橫笛外煙火隔蘆花

前調

張 埜

蓮幕酒闌人散後滿庭松竹蕭森搗殘秋思是鄰砧翠
屏驚舊夢白髮入新吟 蓋世勲名將底用悠悠往古
來今一燈孤恨夜牕深箏閒纖筍玉杯冷軟橙金

前調

無名氏

昨夜驚眠梅雨大枕前牕上頻敲天明翻覺夢魂遙起

來看女伴熏袖已香消
雲鎖房櫳煙鎖竹捲簾水濕
蛟綃菱花低照拂眉梢玉梳雲髮潤不喜上蘭膏

前調

劉基

街鼓無聲更漏咽不知殘夜如何玉繩歷亂耿銀河鵲
驚穿暗樹露墜滴寒莎夢裏相逢還共說五湖煙水
漁蓑鏡中綠髮漸無多淚如霜後葉撼撼下庭柯

前調

題畫
荷花

吳子孝

寂寞小池涼雨後美人團扇知秋玉容紅沁見時羞倚

風如解佩映水怕擡頭
隔浦天香如裊裊多情欲去
還留月明波冷不勝愁采芳何處唱試聽木蘭舟

前調

江陵別內

楊慎

楚塞巴山橫渡口行人莫上江樓
征驂去棹兩悠悠相
看臨遠水獨自上孤舟
却羨多情沙上鳥雙飛雙宿
河洲今宵明月為誰留團團清影好偏照別離愁

前調

虎丘同濟之作

吳洪

愛此雲巖林壑美
梭欒藤杖追遊生
公臺下鶴泉浮與

君成二老譚笑亦風流
臺閣功名歸去好便應醉枕
糟丘不須含笑看吳鉤
苔花還繡壁波冷蟄龍湫

前調

張 縯

十里紅樓依綠水當年多少風流
高城重上使人愁遠
山將落日依舊上簾鉤
一曲琵琶思往事青衫淚滿
江州訪鄰休問杜家秋
寒煙沙外鳥殘雪渡傍舟

前調 小春

陳子龍

西風料峭黃花暮斜陽一角紅樓
羅衣添得又還休銀

蟬寒約指寶鴨暖藏鉤
忽憶軟金杯自捧重攜殘燭
淹留於今玉漏更悠悠
不知千里夢無奈五更愁

前調

明媛
王鳳嫺

珠簾不捲銀蟾透
夜涼獨自凭闌瑤琴欲整指生寒
鶴歸松露冷人靜井梧殘
天際一聲新度鴈翱翔似覓
回灘浮生幾見幾悲歡
三秋今已半楓葉醉林丹

前調

端午

明媛
葉小鸞

團扇新裁明月影
珠簾半上瓊鉤榴花紅到玉釵頭
綵

絲宜續命綠砌繞忘憂
酒泛菖蒲香玉碎嫩紅雙壓
橫秋畫船盡日閑芳洲蕭蕭煙雨外還鎖楚江愁

前調

又一

顧 覓

碧染長空池似鏡倚樓閒望凝情滿衣紅藕細香清象
牀珍簾山幃掩玉琴橫
暗想昔時歡笑事如今贏得
愁生博山爐暖澹煙輕蟬吟人靜殘日傍小牕明

御選歷代詩餘卷三十八